

Tillögur nefndar A að texta í áfangaskjal¹

með skýringum²

Lagt fram til kynningar á 11. fundi Stjórnlagaráðs, 3. júní 2011

Staðsetning

Tillaga nefndar A	Áfangaskjal eftir 10. ráðsfund
5. Börnum skal tryggð í lögum 6. Allir eru frjálsir skoðana sinna... 7. Fræðafrelsi 8. Trúfrelsi 9. Þjóðkirkja 10. Rétt eiga menn á að stofna félög... [aðrar greinar númerast skv. þessu]	5. Allir eru frjálsir skoðana sinna... 6. Börnum skal tryggð í lögum 7. Rétt eiga menn á að stofna félög...

Skýring nefndar:

Nefnd A er sammála þeirri skoðun stjórnlaganefndar að færa beri ákvæði um trúfrelsi inn í mannréttindakaflann í stað þess að þau standi í sérstökum kafla um þjóðkirkjuna eins og nú er. Samhliða því sé grein um réttindi barna færð fram, til að halda samhengi.

7. Fræðafrelsi

Tillaga nefndar A	Áfangaskjal eftir 10. ráðsfund
Tryggja skal með lögum frelsi vísinda, fræða , lista og menntunar.	16. gr. 4. mgr. Tryggja skal með lögum frelsi vísinda, lista og æðri menntunar.

Skýringar nefndar:

- Fært úr menntagrein og gert að sjálfstæðri grein.

8. Trúfrelsi

Tillaga nefndar A	Skýrsla stjórnlaganefndar	Núgildandi stjórnarskrá
Sérhver maður á rétt á að vera frjáls hugsana sinna, sannfæringar og lífsskoðunar. Felur sá réttur í sér frelsi hvers og eins til að iðka trú sína, einslega eða í samfélagi með öðrum, opinberlega eða á	Dæmi A, s. 184. Allir eiga rétt á að stofna trúfélög og iðka trú sína í samræmi við sannfæringu hvers og eins. Þó má ekki kenna eða fremja neitt sem er gagnstætt góðu siðferði eða allsherjarreglu.	64. gr. Enginn má neins í missa af borgaralegum og þjóðlegum réttindum fyrir sakir trúarbragða sinna, né heldur má nokkur fyrir þá sök skorast undan almenntri þegnskyldu.

¹ Vinnu við áfangaskjalið lýkur ekki fyrir en drög að frumvarpi liggja fyrir. Allar greinar þess geta því tekið breytingum, einnig samþykktar tillögur.

² Undirstrikað letur gefur til kynna breytingu frá tillögum stjórnlaganefndar, eða frá ákvæðum núgildandi stjórnarskrár, eftir því sem við á.

einkavettvangi. Öllum er frjálst að breyta um trú eða sannfæringu og standa utan trúfélaga. Stjórnvöldum ber að vernda öll skráð trúfélög og lífsskoðunarfélög.	Enginn má neins í missa af borgaralegum og þjóðlegum réttindum fyrir sakir trúarbragða sinna, né heldur má nokkur fyrir þá sök skorast undan almennt þegnskyldu. Öllum er frjálst að standa utan trúfélaga. Enginn er skyldur til að inna af hendi persónuleg gjöld til trúfélags sem hann á ekki aðild að.	Öllum er frjálst að standa utan trúfélaga. Enginn er skyldur til að inna af hendi persónuleg gjöld til trúfélags sem hann á ekki aðild að. Nú er maður utan trúfélaga og greiðir hann þá til Háskóla Íslands gjöld þau sem honum hefði ella borið að greiða til trúfélags síns. Breyta má þessu með lögum.
---	--	---

Skýringar nefndar:

- Færir stjórnarskrá til samræmis við 18. grein mannréttindayfirlýsingar Sameinuðu þjóðanna og 9. grein mannréttindasáttmála Evrópu, sem Ísland er þegar aðili að.
- Vernd trú- og lífsskoðunarfélaga miði að umburðarlyndi og virðingu í samfélaginu.
- Með lífsskoðunarfélagi er átt við félag sem löggjafinn hefur viðurkennt á einhvern hátt, byggist á frjálsri aðild félaga og hefur eftirfarandi að markmiðum sínum og starfsvettvangi:
 - Siðferði og siðfræði: Umræða um siðferðisgildi og hvernig best er að leysa siðferðileg álitamál.
 - Fjölskyldan og félagslegar athafnir: Framkvæmd félagslegra athafna fjölskyldunnar (ferming, gifting, nafngjöf og útför) á tímamótum samkvæmt lífssýn félaga.

9. Þjóðkirkja

Tillaga nefndar A	Skýrsla stjórnlaganefndar	Núgildandi stjórnarskrá
Valkostur 1: Evangelíska lúterska kirkjan er þjóðkirkja á Íslandi. Valkostur 2: [Ákvæðið falli brott.]	Dæmi B, s. 201 Evangelíska lúterska kirkjan er þjóðkirkja á Íslandi en ríkið skal þó styðja og vernda öll lögleg trúfélög.	62. gr. Hin evangelíska lúterska kirkja skal vera þjóðkirkja á Íslandi, <u>og skal ríkisvaldið að því leyti styðja hana og vernda.</u> <u>Breyta má þessu með lögum.</u>

Skýringar nefndar:

- Valkostur settur fram með það í huga að þjóðin greiði sérstaklega atkvæði um þessa grein þegar tillögur Stjórnlagaráðs eru lagðar fyrir hana.

Kaflar felldir brott úr áfangaskjali

Nefnd A hefur felld ákvæði um auðlindir og trúmál inn í mannréttindakafla áfangaskjalsins. Því falli eftirfarandi kaflaheiti brott úr áfangaskjalinu:

- Trúmál
- Auðlindir